



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-002-8/22**

Datum: **14.03.2022. godina**

«Agencija za vodno područje rijeke Save» Sarajevo rješavajući po zahtjevu Investitora „DEMUS“ d.o.o., Sarajevo za izdavanje vodne dozvole za ispuštanje tehnoloških otpadnih voda u prirodni recipijent sa lokacije objekta asfaltne baze locirane u Gladnom polju, naselje Rakovica, općina Ilidža na osnovu člana 109. stav (1). tačka 2. Zakona o vodama («Službene novine Federacije BiH, broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 48/99), **donosi:**

R J E Š E N J E **o vodnoj dozvoli**

1. Investitoru „DEMUS“ d.o.o., Sarajevo daje se vodna dozvola za ispuštanje tehnoloških otpadnih voda u prirodni recipijent sa lokacije objekta asfaltne baze locirane u Gladnom polju, naselje Rakovica-općina Ilidža, na zemljištu označenom kao k.č. broj: 704/6 K.O. Hadžići.
2. Vodna dozvola se daje uz slijedeće uslove koje je vlasnik odnosno korisnik objekta dužan ispuniti u roku važenja ove dozvole i to:
 - 2.1. Da korisnik predmetnih objekata postrojenja za proizvodnju asfalta održava u funkcionalnom stanju i koristi u skladu sa njegovom prirodom i namjenom, te u skladu sa uslovima iz ove vodne dozvole, okolinskom dozvolom, investiciono-tehničkom dokumentacijom te saglasnostima i dozvolama dobijenim od strane drugih nadležnih organa.
 - 2.2. Da se u periodu važenja ovog Rješenja u potpunosti realizuju radovi na prikupljanju i tretmanu otpadnih voda sa lokaliteta predmetnog kompleksa, a sve u skladu sa projektnom dokumentacijom: Dopuna Glavnog projekta sakupljanja, tretmana i ispuštanja otpadnih voda za kompleks asfaltne baze, reg broj: 10-2/22_rev1, broj protokola :125/22, urađen od strane „TQM“ d.o.o., Lukavac.
 - 2.3. Realizaciju radova realizovati prema dostavljenom Dinamičkom i finansijskom planu za 2022. i 2023. godinu na asfaltnoj bazi po navedenim mjesecima koji čini sastavni dio ovog Rješenja.
 - 2.4. U toku radova na realizaciji projekta prikupljanja i tretmana otpadnih voda sa lokaliteta predmetnog kompleksa, iskopani materijal i otpad se ne smiju ni privremeno odlagati na zemljišnu česticu „vodno dobro“, odnosno unositi u vodotok i na njegove obale.
 - 2.5. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet oborinskih onečišćenih otpadnih voda sa predmetne lokacije, a prije ispuštanja u recipijent, zadovoljio granične vrijednosti u skladu sa članom 21. stav (2). Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20 i 96/20).
 - 2.6. Da se skladištenje bitumena vrši u nadzemnim spremnicima zapremine 4 x 25 tona za koje je potrebno izgraditi AB tankvane adekvatne zapremine.
 - 2.7. Da se skladištenje lož ulja vrši u dva podzemna spremnika, zapremine po 20 t.
 - 2.8. Da se zaštitna tankvana oko rezervoara (kao i sam rezervoar) redovno kontroliše na vodonepropusnost te poduzimaju sve odgovarajuće mjere u cilju sprečavanja akcidentnih zagađenja usljed eventualnog curenja iz rezervoara ili tankvane.
 - 2.9. Da se sa opasnim i štetnim materijama (punila, aditivi i sl.) postupa savjesno pri skladištenju, transportu i pretovaru kako ne bi došlo do štetnih posljedica po tlo i vode usljed prosipanja istih.
 - 2.10. Da korisnik predmetnog kompleksa objekata, nakon izgradnje projektom definisanog sistema odvodnje i tretmana otpadnih voda, obezbjeđuje da se zauljene otpadne vode nastale na platou oko istakališta goriva, postrojenja za pravljenja asfalta, parking i manipulativnih površina nesmetano skupljaju sistemom kanalizacionih cijevi, rigola, slivnih rešetki te odvede do objekata za tretman tehnoloških otpadnih voda (separatora ulja i masti sa taložnikom). Krajnji ispust prečišćenih voda predviđen je preko kontrolnog okna u potok Rakovica.
 - 2.11. Objekte čija je svrha odvođenje i prečišćavanje onečišćenih voda (separator ulja i masti, slivne rešetke, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.

- 2.12. O načinu i vremenu izvođenja radova na održavanju, odnosno o pražnjenju i zbrinjavanju sadržaja separatora ulja i masti, neophodno je voditi službenu evidenciju.
- 2.13. U neposrednoj blizini nadzemnih skladišta bitumena i istakališta lož ulja potrebno je osigurati priručna sredstva za brzu intervenciju u slučaju nekontrolisanog istjecanja istog, kako bi se spriječilo moguće onečišćenje voda i tla (piljevina, absorbensi, i sl.).
- 2.14. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
- 2.15. Metalni otpad i drugi otpad potrebno je sakupiti u namjenske posude do odvoza od strane firme koja ovaj otpad koristi kao sirovinu.
- 2.16. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora, te talog iz taložnika potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
- 2.17. Da se nakon izgradnje projektom definisanog sistema odvodnje i tretmana otpadnih voda, vrši putem laboratorije ovlaštene od strane Federalnog ministarstva poljoprivrede, vodoprivrede i šumarstva redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izvjestaje o ispitivanju i ocjeni kvaliteta oborinskih onečišćenih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva na osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije, sadržini i načinu izdavanja ovlaštenja („Službene novine FBiH“, broj 14/10).
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07 - 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
5. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
6. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20 i 96/20) se daje sa rokom važenja do 19.12.2023. godine
7. Prava stečena na temelju ove dozvole ne mogu se prenositi na treća lica bez saglasnosti organa koji je izdao ovu vodnu dozvolu, a ista prestaju u skladu sa odredbama Zakona o vodama („Službene novine Federacije BiH“, broj 70/06).
8. Vodna dozvola se može izmjeniti ukoliko za to nastupe razlozi utvrđeni u članu 130. stav 1. tačka 1., 2., 3. ili 4. Zakona o vodama („Službene novine Federacije BiH“, broj 70/06).
9. Troškovi izdavanja ove vodne dozvole odredit će se posebnim zaključkom.

O b r a z l o ž e n j e

Investitor „DEMUS“ d.o.o., Sarajevo, Ul. Hamdije Kreševljakovića 18/II, ID broj: 4202020250000 se dana 05.01.2022. godine obratio ovoj Agenciji sa zahtjevom za izdavanje vodne dozvole za ispuštanje tehnoloških otpadnih voda u prirodni recipijent sa lokacije objekta asfaltne baze locirane u Gladnom polju, naselje Rakovica-općina Ilidža, na zemljištu označenom kao k.č. broj: 704/6 K.O. Hadžići.

Uz zahtjev je dostavljena slijedeća dokumentacija:

- Ovjerena kopija rješenja o registraciji broj: 065-0-Reg-14-002876 od 06.10.2014. godine izdato od Općinski sud u Sarajevu;
- Ovjerena kopija Aktuenog izvoda iz sudskog registra broj: 065-0-RegZ-21-011784 od 23.12.2014. godine izdato od Općinski sud u Sarajevu;
- Ovjerena kopija Uvjerjenja o poreznoj registraciji donesenog od strane Porezne uprave – Kantonalni porezni ured Sarajevo, 15.11.2017.godine;
- Ovjerena kopija zemljišnoknjižnog izvotka broj: 113008/21, zk uložak broj: 1152 od 21.12.2021. godine izdat od Općinskog suda u Sarajevu;
- Kopija Upotrebne dozvole broj: 0647-03/21 od 24.03.2021. godine na osnovu Zakona o zaštiti na radu izdato od „Protect-ing“ d.o.o., Hadžići;
- Ovjerena kopija Rješenja o dosudi broj: 065-0-Dn-21-023633 od 17.12.2021. godine izdato od zemljišnoknjižnog ureda, Općinski sud u Sarajevu;
- Dinamički i finansijski plan aktivnosti za 2022. i 2023. godinu na asfaltnoj bazi „Demus“ d.o.o., Sarajevo od 22.02.2022. godine;
- Dokaz o uplaćenju upravnoj i administrativnoj taksi;
- Dopuna Glavnog projekta sakupljanja, tretmana i ispuštanja otpadnih voda za kompleks asfaltna baze, reg broj: 10-2/22_rev1, broj protokola :125/22, urađen od strane „TQM“ d.o.o., Lukavac.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska u skladu s članom 12. stav 3. i članom 19. stav 2. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19 i 41/20”), dopisom broj: UP-1/21-3-40-002-5/22 od 16.02.2022.godine u kojem je zatraženo od podnosioca zahtjeva da isti upotpuni u roku od 15 (petnaest) dana od dana urednog prijema dostavljene obavjesti što je podnosilac zahtjeva ispoštovao i dostavio traženu dokumentaciju.

U skladu sa članom 12. stav 5. i 6. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), dana 10.02.2022. godine izvršen je uviđaj na licu mjesta, o čemu je sačinjen Zapisnik broj: UP-1/21-3-40-002-3/22.

Na osnovu dostavljene dokumentacije uz predmetni zahtjev i Zapisnika o uviđaju, od strane stručnih osoba Agencije sačinjeno je Stručno mišljenje broj: UP-1/21-3-40-002-4/22 od 15.02.2022.godine i broj: UP-1/21-3-40-002-7/22 od 14.03.2022. godine za izdavanje predmetne vodne dozvole.

Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20 i 96/20) se daje sa rokom važenja do 19.12.2023. godine. Osnovni razlog za kratak rok važenja ove vodne dozvole, je razlog što je tokom uviđaja utvrđeno da na tereću nije ništa urađeno što se tiče sistema odvodnje i tretmana otpadnih voda te je od Investitora zahtijevano da dostavi Dinamički plan u kojem će precizirati rokove izvođenja potrebnih radova. Investitor je dostavio navedeni plan koji čini sastavni dio ovog rješenja i isti se uklapa u predviđeni rok koji je definisala Uredba.

Na osnovu dostavljene dokumentacije, utvrđenog činjeničnog stanja i navedenog Stručnog mišljenja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. Dispozitiva rješenja propisani uslovi kojih se dužan pridržavati prilikom korištenja objekta u skladu s članom 116. Zakona o vodama („Službene novine Federacije BiH“, broj 70/06), te članom 13. Pravilnika o sadržaju, obliku, uvjetima, i načinu izdavanja i čuvanja vodnih akata („Službene novine Federacije BiH“, br. 31/15, 55/19 i 41/20) i odredbama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20 i 96/20)

U skladu s odredbama Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) korisniku objekta utvrđene su obaveze u tačkama 4. i 5. dispozitiva ovog Rješenja.

U skladu s odredbama Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj: 6/98, 8/00, 45/10 i 43/13), podnosilac zahtjeva je uplatio upravnu taksu u korist Računa javnih prihoda federalnog budžeta.

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

Remić DŽ., dipl.iur.

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- „DEMUS“ d.o.o., Sarajevo (PRILOG: Glavni projekat i Dopunski Glavni projekat)
Ul. Hamdije Kreševljakovića br.18/II, Sarajevo
- AVP Sava, ISV-vodna knjiga,
- Sektor 50-ovdje
- sektor 40 – arhiva
- Oglasna tabla AVP Sava-Sarajevo